

01 算命仙--的

蔡連真

「手搖籤筒有三支喔...抽靈籤、卜聖卦、卜卦兼算命.....。」咱定定聽人講：「閒罔閒，看命愛錢。」就是咧講算命仙仔啦！算命仙仔璇石喙糊癩癩(lui)，毋過嘛是真濟人愛相命。

有一工阿勇仔佢朋友去惹夜市仔，無論是食的、耍的，逐擔都惹透透，才看著一个算命仙仔咧擺擔仔替人算命，邊仔掛一塊布條仔寫「鐵口直斷(tuàn)」四字。阿勇仔佢朋友拄尿緊，行對算命仙仔遐去。算命仙仔看著個倚來，就比喙叫個「恬恬」。繼落去講：「少年的，恁看來天庭飽滿、意氣風發，只是這印堂有淡薄仔烏雲，我看恁一定是事業袂順，欲換頭路著無？免歹勢！免歹勢！遮坐。」

這個時陣，過路人看有人欲算命，就圍過來看鬧熱。看勇仔個兩個攏無表情，算命仙仔就閣講：「這.....我知矣，光線傷過暗，我看毋著去啦。詳細看！恁面色紅牙紅牙，一定是姻緣到，欲問婚姻著無？」個兩個全款無啥物表情。算命仙仔就閣轉話關講：「看恁斯文斯文，一表人才，一定是欲問學業乎(honnh)？」

這個時陣倚仔邊仔咧看鬧熱的人，就三色人講五色

話，鼓勵勇仔個兩個講：「講無要緊啦！」算命仙仔敢若強欲無法度落樓梯，就閣講：「看恁目頭結結，有苦難言，是毋是欲問家庭抑是身體？」勇仔個二個是忍甲強欲擋袂牢，毋過全款無講話。

算命仙仔真正火大矣，就大聲喝講：「少年的，恁敢是啞口的，我「鐵口直斷」毋是咧予人叫假的呢。恁是存心欲來鬧場的是毋是啊？」邊仔的人敢若等欲看鬧熱等甲掠狂矣，就十喙九尻川，一喙一舌，一句來、一句去，怪勇仔個二個，到底是咧變啥魴(báng)？算命仙的真受氣，大聲講：「恁到底是欲問啥物？若是毋講，存心欲來拆我「鐵口直斷」的招牌，我就真正予恁好看？」

這個時陣，圍仔邊仔咧倚懸山看馬相踢的人就講：「著啦！著啦！少年的，恁做恁講，免歹勢啦。」勇仔佢個朋友忍(lún)真久矣，今擋袂牢，就開喙講：「是你用手比叫阮愛恬恬，哪會怪阮毋講話？」算命仙仔就應講：「好、好、好！無，欲問啥請恁講。」勇仔佢個朋友就大聲講：「阮欲問你「便所佇佗位」啦！」所有在場的人真正是也好氣也好笑，你看我、我看伊，看算命仙仔佇遐目調轉白仁，大氣喘袂離(li)。

02 阿公的竹椅仔

蘇毓涵(iók-hâm)

頂個月，阮轉去舊厝看阿媽，無意中煞來發現一條(liâu)退色、頂懸全块埃(ing-ia)恰必巡(pit-sùn)，又閣斷一枝跛的竹椅仔，若像一個虛荏(lám)的老歲仔，恬恬倚佇壁邊。啊！彼是阿公猶閣佇--咧的時，上恰意的竹椅仔！

會記得我細漢的時陣，看阿公三不五時會坐佇竹椅仔歇暍。伊就親像隱居佇山林內的雅士(ngá-sū)，遐爾仔清閒。阿公定定穿紗仔衫，目調微微(bui-bui)、文文仔笑，坐佇竹椅仔，手那攞(iát)檳榔扇、那聽收音機，邊--仔的嚷鬧攞袂共伊攪吵--著，敢若是道行真深的高人，遐爾清閒恰得定(tik-tiānn)。

每一擺我若去吵--伊的時，伊攞嘛笑咪咪，毋捌受氣，閣會提幾個十籊的銀角仔予--我，講是欲予我買冬瓜茶恰小妹做伙享受。我聽著真歡喜，隨提銀角仔，那跳那走去共小妹講這個好消息。姊妹仔三人就真樂暢，從(tsông)去籤(kám)仔店，阮káh-káh 叫的笑聲強欲共厝瓦反(píng)--過去，厝內的大人袂堪得吵，連鞭共阮阻擋。毋過阿公伊無受阮影響，又閣坐轉去伊的竹椅仔，享受伊予人拍斷的清閒。有當時仔阿公會共我抱上去坐佇伊的跛頂懸，共我

講起較早的故事；有的我聽著真心適，感覺足趣味，想欲知影閣較濟的故事；阿公嘛袂感覺煩，沓(tauh)沓仔共我講古；有的故事我猶細漢，毋知伊的意思，攞聽無，感覺無啥趣味，無張持煞暍--去，就算是按呢，阿公嘛袂受氣。閣有一擺，我無細膩跋倒，坐佇塗跛哭，哭甲流鼻流滴，哭甲規个面攞花巴哩貓(hue-pa-li-niau)，嘛無愛起--來，蠅(un)佇塗跛一直軀(nuà)，別人攞無我法。這個時陣，阿公就慢慢仔對椅仔跔(peh)--起來，老神在在，寬寬仔、一步一步向我行--來，伸出伊彼雙予人感覺安心的手，共我抱起來竹椅仔面頂，輕輕仔共我搭尻脊駢，一直到我無閣哭才停，閣提糖仔安搭我的心情。佇我的記持中，阿公一直是遐爾溫柔又閣閒仙仙，坐佇竹椅仔面頂。

有一工，我煞無看著平常時攞會坐佇竹椅仔面頂的阿公。我厝內厝外走從，誠生狂咧四界揣阿公。厝--裡的大人看我咧(teh)欲哭--出來的款，就趕緊共我講阿公破病，需要蹓病院，真緊就會轉--來。毋過，對彼个時陣開始，我就毋捌閣看著阿公轉--來矣，彼个疼孫的阿公已經離開--我，只賸園佇相片頭前的菊花，猶閣有彼條無人坐的竹椅仔。

03 阮兜這隻可愛的戇狗

黃惠玉

人講「貓來富，狗來起大厝」，但是阮毋捌想過欲飼狗、飼貓，飼這隻狗是機緣。彼時陣阮小弟去予一个查某囡仔駛傷緊的車拚著，需要踹院開刀。本底是有情看護咧共伊顧，阮家己家婆想講：隔轉工是拜六佻禮拜有歇暍，就共看護講彼兩暝阮家己來顧。真拄好，可能賊仔早就咧觀察阮兜矣！所以彼一暝阮厝就著賊偷矣。拜五暝轉去阿媽兜蹠的後生，透早轉來看著厝內挈斃斃，驚一越，較緊敲電話予阮。就按呢，舞規半工，才處理好。包括報警、做筆錄、算損失、整理挈斃斃的內面。

就佇著賊偷的代誌發生無佻久，阮翁電廠的同事講欲送伊一隻『哈士奇』的狗。若佇較早，阮是絕對反對飼狗的，這隻狗好親像來了真拄好，厝裡的人攏想講：飼狗防賊仔。所以就共伊答應落來！

人是真奇怪的動物，佇阮細漢的時，阮嘛會記得講真愛飼狗，不時就要求阿母予阮飼，毋過阿母攏毋答應，吵幾擺了後，阮只好死心。等阮做人的阿母，阮囡也捌共阮吵講欲飼狗，毋過想著伊較早做的工課定定著愛阮替伊拭尻川佻飼狗的麻煩，阮就毋敢答應。所以阮囡嘛死心矣！若毋是這擺著賊偷，阮兜是無可能會飼狗的。

頭一擺看著這隻狗，阮是真佻意，因為伊實在有夠嬌；毛——膨膨膨，身軀——圓圓圓，大部分毛跂是白色的，毛尾仔有插烏色，尻脊駢的毛烏殫金、烏殫金，除了有一條烏殫色的線框過以外，腹肚是全殫白的，膨獅獅的尾溜真大葩，伊不時共尾溜翹懸懸，有一種高貴大方的範勢。四肢跂若大柱，講著伊的面，喙顛是白色的，對目調跂周圍以上攏是殫烏色、殫烏色的框，看起來親像掛目鏡，真有智慧的款。目調面頂有一个白點，看起來真歹。伊佻本土狗上無全款的所在是：伊的目調仁是淺藍色的，真罕見！阮一入門，伊就跂起來阮身軀佻阮司奶，看著伊彼種無辜閣嬌的面，阮就想欲共好好仔惜惜咧！

103年彰化縣閩南語朗讀文章-國小組

04 阿呆讀冊

紀(Kí)傳州

老員外飼一个後生，真慧(gōng)，人攏叫伊阿呆。老員外倩(tshiànn)一个真有學問的老先生，專工來教--伊，可惜阿呆真袂上教(tsiūnn-kà)。

有一擺，阿呆欲出去迺迺，老員外吩咐老先生陪--伊，閣(koh)叫伊教阿呆按怎吟詩作對。第二工，師徒做伙出門。沿路山明水秀，景緻(tì/tì)秀麗，两个人攏真歡喜。英雄一陣風吹--來，管芒葉予風吹甲sā-sā叫，阿呆問先生這有啥物學問，老先生慢慢仔唱講：「風捲管(kuann)葉萬萬片。」阿呆感覺誠有詩意，就共記牢(tiâu)--咧。

雙人向前行，有一板橋，兩人真細膩行--過去。阿呆閣問老先生，這又閣有啥物學問，老先生講：「雙木好走，獨木難行。」阿呆感覺這句嘛袂稔(bái)，閣共伊暗唸--起來。

行過橋，拄好看著一个村婦咧飼豬，一群豬仔圍圍佇豬母的身軀邊。阿呆閣問講：「這是啥物學問？」老先生唱講：「一岫(siu)豬仔圍圍豬母咧玲瓏瓏(lin-long-séh)。」喔(ooh)！這句話真心適，阿呆緊共記佇心內。

行無幾步，看著一隻狗仔咧逐(jiok)兩隻兔子，阿呆閣問講：「這有啥物學問？」老先生隨喙講：「一犬難追兩(lióng)兔。」阿呆感覺這句話閣較趣味，又閣共伊記--起來。

師徒两个人那行那講，日頭漸漸欲落山--矣，就歡歡喜喜倒轉--去。老員外看著個囡轉--來，對喙就問講：「阿呆！你今仔日出--去，有學著啥物學問--無？」阿呆誠得意，應講：「孩兒在外一天(it-thian)，可比登天一年(it-liân)，沿途嚴師教示，增識不少。」老員外一下聽，感覺這個囡仔講話有較膨風，毋過，心內嘛是暗暗仔歡喜。

隔轉工，老員外做生日，厝--裡人客來真濟，足鬧熱--的。酒桌中，老員外想講，個囡昨昏出去迺迺轉--來，講加捌真濟，就叫伊佇眾人面頭前展一下仔學問--咧！阿呆知影個老爸的意思，就當眾人的面頭前，幌(hàinn)頭搖腦，唱講：「風捲管葉萬萬片。」逐家一下聽，有影袂稔，這個囡仔會呵佬--得。伊身軀邊有一个人客，順勢擲(giáh)一雙箸予--伊，請阿呆啣酒用菜，阿呆共箸接--過來，就講：「雙木好走，獨木難行。」逐家閣攏喝(huah)好。這個囡仔真正是詩詞滿腹，有學問--喔！

103年彰化縣閩南語朗讀文章-國小組

05 拍獵--的恰伊的狗

鹿港仙

有一个拍獵--的，攏比別人較骨力拍獵，這是為著後日仔老，拍獵拍袂贏，積雨來糧。

佇拍獵的當中，伊就訓練一陣狗，來恰伊鬥拍拚。狗仔自細隻仔就共掠來教，教伊認主人、認賊偷、認惡禽獸，甚至教個按怎去咬比個較大隻的野獸。

時間過著像飛全款，拍拚幾若冬，也予拍獵--的得著袂少的財富。毋過這個拍獵--的也老--矣，狗嘛老--矣！幾年來所粒積落來的財產，恰壁頂所吊的各種禽獸的物件，是伊流血流汗所得--來的。伊定定咧想，閣做--一年仔就欲收跤洗手--矣，踎(tiàm)山跤蓄(hak)一間仔厝，通好養老。

這一兩年來，內山斗底，罕得聽著野獸的哀叫聲，恰狗仔咧吠的聲.....，有當時，拍獵--的久久--仔才出來巡一擺山頭，有人共伊問講：「啊你是身體無拄好是--無？無，哪會遐(hiah)久無看見人--啊？」伊攏共應講：「過去拍獵是干焦做議量(gī-niū)爾。」

有一斗，天氣清涼，是百獸出來行踏的好時陣，伊全款恁(tshuā)伊彼隻老狗，lok-sōng-lok-sōng，沿路巡沿路相。行啊行、相啊相，誠拄好，遠遠就去予伊繩(tsîn)著一隻山

豬，懶屍懶屍屈佇草埔內。伊就掠準準，獵銃(tshìng)一調(tiau)，就對山豬共拷(khó)--落去！哇！慘--矣！無著！第二銃piáng！啊！一聲！又閣無著！相連繼piáng！piáng！piáng！攏無著。Eh！哪會按呢--啊！在來都毋捌(bat)遮低路(kē-lōo)，敢會食老，目花--去矣，煞跋落馬跤。

這當陣，山豬聽見銃聲，一躡(lìng/liòng)起身，起跤就走，走甲直尾溜。狗仔看毋是勢，縱(tshiòng)起身，綴(thu è)尻川後直直逐(jiok)，走敢若飛--咧。憑伊久年láu-tâu的經驗，隨pà對山豬的尻脊駢，[就按呢]展開一場獸對獸的大決鬥。一時的(it-s-t 'k)山豬聲、狗吠(puī)聲，吼(háu)來吼去，四籬輾轉的小禽獸，予個的吼吠聲，驚甲烏白從(tsông)，揣(tshuē)岫覘甲無看見影。

有--遐久仔，吼吠聲愈來愈細，賭老狗喘氣的聲，蹣蹣naih--一下，naih--一下。這當陣，主人就笑咪咪，沿路呼噓仔(khoo-si-á)，沿若對山豬遮來。伊掠叫是尾仔一銃，有去拷--著咧，到地才知影，山豬是予伊彼隻老狗拚死拚活咬死的。

後--來，狗仔老--去，老狗無像往過仔遐爾(hiah-nī)猛--囉。主人開始嫌伊無路用，無像早前遮爾仔照起工來疼惜--伊。